

ادبیات عمومیہ مجموعہ سی

سنہ : ۱ ہفتہ لقی سیاسی ، ادبی و علمی غزتہ در . نومرو : ۳

ادبیات ترک « وجہ غریمت » ی

ادبیات ترک غریب بر استحاله دورہ سندنہ بولندیغی انکار ایدیلہ من . آثار حاضرہ دن بری بلا تعدیل بر اوروپا لسانہ نقل ایدلسہ ، مؤاخذین غرب ، بوکا : — اولماش بر تقلید ! دیہ جکری کبی ، عینی اثر مملکت مزده حالا کندیلرینہ بر آرز چوقچہ تصادف اولونان وادی قدیم منتسبینہ کوسترلسہ ، بونلردہ ، در حال : — پک آلا فرانغہ ! محاکمہ سنی درمیاندن چکنمہ یہ جکار درہ . اوت ! ادبیات لاحقہ من ، ہم پک آلا فرانغہ ، ہم دہ زیادہ سیلہ آلا تورقہ در . حامدک « فینتن » ی بو وادینک اک انموذجی بر تمثالیدر . بر آلمان منقدی : « — فینتن ، نہ ادبیات غربیہ ی آ کدی ریور ؛ نہ دہ ادبیات شرقیہ ی . » دیمشدی . بر ذات فحیم بومطالعہ یہ قارشی : « — حامد ، نہ بر انکلین ویا فرانسز ادیبیدر ؛ نہ دہ نفی وفضولی زمانلرینک بر شاعریدر . حامد ، عصر مزک عثمانلیسنی تمثیل ایدن بر ادیبدر . » دیمشدر . کوریلیورکہ بو کونکی ترک ادبیاتی ، منشاندن هنوز آریلہ مامش ؛ کذلک ، حالا ادبیات غربیہ ایلہ اتحاد ایدہ مامشدر .

غرب ادبیاتی اقتباس ایدنلر زیادہ سیلہ تصلفہ میالدرلر : [رہنان] طرزی کبی متین و فصیح ، سلیس و بلیغ بر اسلوب هنوز ادبامزجہ اتحاد ایدلدی . کذلک [تہن] واری ، صاغلام ، جابجا لطائف ایلہ آراستہ ، بر آرز فنی بر وادی دہ تقلید اولونہ مدی . بونک کبی ، لورد [مق اولہ] یولندہ ، مصاحبہ قلقلی ، طاتلی بر لسان ایلہ افکار تاریخیہ و فلسفیہ ی افادہ ایدہ جک بر ادیبزده چیقمدی . ارباب قلممز [جہد اقل] قانونی موجبجہ سہل القلید اولان وادیلرہ اہمیت ویردیلر . قیریق جملہلر ، ملون فکرلر ، نامانوس افادہلر ، سقط فکرلر ، سقیم حسلر ، براز « امپرہ سیونیزم » ی آ کدی زر تصویرلر ، اولدیغی

آل چوقه ویا بزدن چاقشیر ، ایالترینه قرضی مست پاپوج کیر ، باشلرینه ده یشیل رنکده دستار قاووق طاقارلردی .

بوریزن و نقاره زن باشلری ، دیگر باشلرکی البسه و باشلرینه ده عینی شکل ورنکده کی دستار و قاووقلری استعمال ایدرلردی .

بوروزنلر ، نقاره زنلر دخی زلزنلر ، طاوولجیلر مثللو لباس اکتسا و عینی قاووقلری استعمال ایدرلردی .

خلاصه موسیقه جیلرک البیسه لرینه ده برانتظام مشهور ، سامعین ایسه آهنگی استماع ایتمکده مشرور و مبهوت ایدی .

محمد زکی

اسکی عثمانلی عسکرلرکی

سلطان سلیمان قانونی دورنده نشان تعلیملری

عثمانلیلر نشان تعلیملرینه پک زیاده اهمیت ویررلردی . نشان آتمق عسکرلرک مقدس وظائفندیدی . رسول اکرمک ، فضائل جهادی ، انداختن قدسیتی کوسترن حدیث شریفلری ، انداختن تعلیم و تربیه سنده اسالاساس ایدی . اساساً بودورک تربیه عسکریه به متعلق آثاری فضائل جهاده متعلق اثرلردی . بواثرلرده بوتون حدیث شریفلر شرح و ایضاح اولونوردی . محاربه لرده منفرد حماستلر ، دلیرانه فدا کارلقلر خصوصی براهیتی حائر اولدیفی ایچون هر عسکر آتیجیلغه صوک درجه مراق ایدردی . پادشاهلر بالذات نشانجیلقدده مهارت صاحبی اولدقلری کی یکچیریلری بو صنعتده ایلریه مک تشویق ایدرلردی . سلطان سلیمان قانونی هر برنفره اوچ آیده اوتوز آچه یای آچه سی تخصیص ایتمشدی .

سلطان سلیمان قانونی نشان تعلیملرینه خصوصی براهیت بخش ایدردی . غیر مطبوع بروثیقه ده پادشاهک نشان تعلیملرینه ویردیک اهمیت شو صورتله تعریف ایدلمکده در : « غازی خنکار میندانه کلوب تعلیم خانه یاپدیروب و اوزرینه تعلیم خانه جی باشینی ناظر تعین ایدوب توفنک آنان یولداشلره و کان کشلره اوق آتمی تعلیم ایتک ایچون و تعلیم خانه جی باشی سفره کتمکدن و سرحدلرده الیقونلق دن معاف بیوروب بوتون کون

باشنده یوسنی ایله دوروب توفنك آتالره وصولاقلره و سائر كان كشلره تعلیم ایتمه
 مأمور و مکر کیم پادشاهلر سفره کتدکده تعلیم خانه جی باشی بیله کتمکه مأموردر
 و بوندن صکره توفنك آتلا جق محله یونمه طاشدن کاکیر دیوار یاپدیروب و اورته یرنده
 صوماقی صرمدن نشان کاه یاپدیروب و متریس ایچون صوماقی مللر دیکدیروب و بو
 مللرک اردنده یونمه طاشدن بر بیوک صوفه یاپدیروب کندولری سعادتله اوتورمق ایچون
 ویاننده بر چشمه بنا ایدوب قوللری توفنك اتدوقلرنده صودن ضرورت چکممک ایچون
 بهر سنه غازی خنکار میدانه کلوب قوللرینك توفنك اتدوقلرینی سیر ایدردی. نشانی
 اورانی قوللرینه عظیم احسانلر ایدردی. بعض نشان اوران قوللرینك کمینه بر دولبنده
 و کمینه بر یای و کمینه برر چیقین آچه احسان ایدردی. غازی خنکار برکون میدانه
 توفنك آتدیرمق ایچون کلورلرکن اوده لرك آغا قیوسندن ایچرو کیروب یکیچری
 اغاسی رکابنده یورورکن اوده لرك کچه جیلر محله کلدکده بر کوپکه راست کلوب
 سعادتله آت باشین چکوب قول کتخداسین حضورینه دعوت ایدوب و یورورکه بن
 سنی اوده لرك اوزرلرینه ناظر تعین ایلدم. نم حرم خاصمده ییچون کوپک قورسین
 دیو آزار ایدوب و قیوجی اولدزمک مراد ایلدکده یکیچری اغاسی رجا ایدوب جائز
 خلاص ایدوب ولکن مزبور قیوجی سر تیمار ایدوب الینه بر برات و یروب اوجاقدن
 اخراج ایدر و بعدده میدانه کلوب سعادت ایله یرنده قراایلدکده توفنك آتق لازم کلدکده
 اول صکصونجی باشی صکصونلری کتوروب ایوبه صالیویروب پاره لندورردی. و بعدده
 پهلوانلر کلوب کوروش اولوردی و هر اوده لرده بر رایکیشر پهلوانلر اولق قانوندر و بعدده
 کورزلر صالارلردی و بعدده صولاقلر و سائر کان کشلر کلوب هنرلر کورسورلردی و بعدده اوجاق
 اغالری و قول کتخداسی و باش چاوش و جمله ضابطان ترتیب اوزره غازی خنکارک حضورنده
 طوروب باشلرنده یوسنی کیرلردی. اول یکیچری آغاسی بر اوپوب توفنك جیلری طولی
 توفنكی حاضر ایدوب الینه و یروب اتردی. اندن سکبان باشی اندن قول کتخداسی
 اندن زغرچی باشی اندن سکصونجی باشی اندن طورناجی باشی اندن دورت حاصکی اندن
 باش چاوش غازی خنکارک حضورنده ترتیب اوزره نشانه قرشون اترلردی. و بعدده
 باش چاوش برنجی دوه جیلردن باشلایوب بلوک بلوک چاغروب چوربا جیلرنده یوسنی
 نفراتیله خنکارک حضورلرنده نشانه توفنك اترلردی. نشانی اوران یولداشلره عظیم
 احسانلر ایدردی. جماعتلر و بلوکلر تمام اولدقه سکر دم اولان اوده لرك اشجیلرک
 جمله سی حاضر اولوب و صوینوب سکر دم ایله آت قبارلردی. زیاده سکر دم اشجیه
 صولاقلق محلول اولدقه اکا احسان ایدردی. و اولور اولماز آدمه صولاقلق ویرلزدی.
 اوزون بویلو و قیافتلو آدملره ویریلوردی. بودور وکنج و بیقلو آدملره ویرلزدی.
 اکثری اموردیده ایش کوزمش و قلعه فتحین بیلور و متریس احوالین بیلور اوده باشیلره
 ویریلوردی. و اوده باشیلرک طوغری یولی صولاقلق در. مکرک زیاده اختیار و عمل
 مانده براوده باشی به اتمک ویریلوردی. بر اوده نك چوربا جی محلول اولدقه صولاقلق
 اولان اوده باشیلره ویریلوردی. صولاقلق محلول اولدقه یکیچری آغاسی تلخیص

آندکچه ویرلزدی . و بر سفرده چور باجی شهید اولدقدده صولاقلره ویریلوردی . اجنبی و نقره چور باجیلیق ویرلامکیچون غازی خنکار لعنت نامه یازمشدر . و هرکس صولاق باشی اولزدی . صولاق باشیلیق بر اولو صرتبه در . غایتله معقول سوز بیلور و غایتله امور دیده و هراحواله وقوف و پادشاهلرک سوزینی آکلر آدملر صولاق باشی اولوردی . و جنک کرده پادشاهی ضبط ایدوب جنک احوالین پادشاهلره اعلام ایدن و جنک محلنده پادشاهلری بزیاواش آته بندورب و بندوکی آته خربند اوران صولاق باشیلردر . و جنک محلنده دورت صولاق باشی و دورت کتخدالر و دورت اوده باشیلر خنکارک اتکلرینه محکم یاشوب و دورت یوز کمان کش صولاقلر خنکارک دورت اطرافین قوشادوب طورلر . سلحدار و چوقه دار و رکاب دار و دواند آغاسنی خنکارک یاننده قوملر . صولاقلرک اردلرنده ایچ خلق طوب اولوب طورلر . جنک التلری الرنده حاضر و اماده دورلر و جنک محلنده سعادتلو پادشاهی و وزیر اعظمی یکچیریلرک اورتیه سنده آلورلر . غیری قوللره ایناغلر . یکچیریلرک اورتیه یرنده طورر مادامکم جنک بر طرف اولیه ، سعادتلو پادشاهی و وزیر اعظمی چادرینه صالیویرمز . یکچیریلر دورت اطرافین قوشادوب محافظه ایدرلر .

یکچیریلرک مختلف دورلرده نه صورتله نشان تعلیملری و محاربه تعلیملری یابدقلرینه دائر صورت مخصوصهده یازلمش اثرلر موجود دکلدردر . بزچوق معلومات ، متفرق یازمه کتابلرده ، وقعه نویس تاریخلرنده و قوعاتی قید صره سنده یازیلان برقچ سطر دن عبارتدر . مثلاً صوک زمانلرده یکچیریلرک زیاده سعد آبادده ، طوب قاپی خارجنده سکر دم محله سنده تعلیم ایدرلردی . سلطان سلیم ثالث زماننده باش کاتب ، الی نفر یازیچی ، تفنکچی باشی ، او طه باشی ، سقار ، قره قوللقچیلرده تعلیمده حاضر بولونورلردی . هر دفعه سنده دردر او طه نک تعلیمی یاپیلیر ، الی درت بلوکل چور باجیسی سر تعلیمچی اولارق بونلره نظارت ایدردی . تعلیملرده قولالئلوق اوزره باروت و قورشون میریدن ویریلردی .

یکچیریلرک یالکنز بو تعلیملره قالمالزلردی : ادمان تعلیملرینه ده اهمیت مخصوصه ویریلیر ، از جمله آخر یوک قالدیر مق ، کورش ایتک ، قوت طاشی آتمق ، طوقاق اوینامق کبی قوه بدنییه یی آرتدیر اچق تعلیملرده یاپیلردی . بو تعلیملرک صورت اجراسنه ، پادشاهلرک ادمان و نشان تعلیملرینه نه درجه لرده اهمیت ویردکلرینه دائر مختلف معلوماتک جمعی و تلفیقی ایجاب ایدر . بو ذکر ایتدیکنمز وثیقه ، سلیمان قانونی دورنده نشان تعلیملرینک صورت اجراسنی تصویر نقطه نظرندن ، شایان دقتدر .